

廣東省地方史志辦公室輯

廣東歷代方志集成

韶州府部〔七〕

嶺南美術出版社

【民國】仁化縣志

何炯璋修 譚鳳儀纂

民國二十三年（1934）鉛印本

據廣東省立中山圖書館藏本影印

朱梅君 秦洪芳整理

目錄

卷首	
序	一
原序	四
附錄陳志凡例	一九
職名	二二
凡例	二三
總目	二五
卷一	
圖象(缺)	
輿地 疆域 沿革 山 附岩寨 川 附溫泉	二七
建置 城池 公署 塘鋪 考棚 教場	
古井 壇廟 都圖 橋梁 坡圳 墟市 場圃	
園亭 公路 郵電 議會 黨部 善堂 義倉	五一

勘誤表	七九
卷二	
學校 學宮 祀典 學額 學田 學規	
書院 社學 學務	八一
勘誤表	一三一
卷三	
貢賦 戶口 田糧 雜稅 歲派 鹽法	
兵餉 屯田	一三三
勘誤表	一七五
卷四	
秩官 職官表 政績 流寓	一七七
兵防 兵制 汛地 要隘 警察 警衛隊	
保甲 盜賊附	二三一
勘誤表	二五五
卷五	

[illegible]

重修仁化縣志序

仁化雖巖爾小邑，由來已古，自有虞氏南巡搏拊，而諸夏聲教，已被于荒服，趙佗浦禦秦，而山川要害，早隸於版圖，迄唐代置縣，歷宋元數百年間，設官牧民，人民，風土，政事，諸俗，非無足採者，惜無人秉筆記載，遂湮沒弗彰，寧非考古者之遺憾耶，降至明末，司馬氏諱，始博訪周諮，象形記事，都爲上下八卷，遂爲仁化縣志之權輿，厥後清鹿應瑞，李夢鸞，鄭紹曾，陳鴻，瓜爾佳，鄧焯堂，次第續修，而民國以還，世殊事異，有待於修補者，尙闕如也，夫中國承四千餘年專制之遺，至民國而一大變革，開歷史上未有之新紀元，舉凡禮俗，政教，學術，文化，受世界潮流之激盪，駸駸乎月異日新，他如農工商學各項機關之設立政治議會各種制度之組織，以故大而國史，小而邑乘，皆有從新編纂之必要，顧民國十餘年來，干戈擾攘，喘息未寧，邑宰視官署如傳舍，遺老耆舊，又多隱伏于山巔水涯之間，求可爲徵文考獻之助者，不啻禮失而求諸野，搜輯尤艱，加以兵燹之餘，載籍散失，舊志寥寥，幾同孤本，不速加釐訂，寢就湮滅，縣志之宜亟亟纂修有如此者，然事關一邑實錄，非一朝一夕可觀厥成，溯自十九年何前任燭璋，經始設局，甫一載而遷調，尋因亂事，鉛槧中輟，迨二十一年夏，旭昇承乏斯土，地方多故，伏莽潛滋，閱數月而吏民安堵，乃克重

仁化縣志卷首 序

仁化縣志卷首 序

申前議，嗣又因經費不敷遲遲付梓，而陳君文甫，復當仁不讓，慨然樂助。爰賡續督促，前後四易寒暑，始告成功。竊念地方人士，不憚努力襄事於前，自當勉成斯舉於後，因弁一言于卷首，識其顛末。冀後之閱是書者，知志乘之不可闕，而補苴匡正，重有待于來者也，更從而筆削潤色之，以薪信今傳後，是誠私心所祈禱也已。

中華民國二十二年秋月戴旭昇謹序

仁化縣志卷首

重修邑志序

何燭璋 縣長

仁化誌乘。創始前明萬曆間。邑長司馬障。迨有清一代。經李夢鸞鄭紹曾陳鴻各前尹。先後續修。由同治十二年。陳前尹鴻續修迄今。又五十餘年矣。世道人心之變遷。政治之隆污。章文物之繁衍。世遠年湮。叠經兵燹。若不重加修纂。何以上備國家採擇。下爲社會楷模。余于拾八年夏。謬權邑篆。下車伊始。取覽誌乘。剝蝕不全。適承大亂之餘。勞來安集。未暇顧及。越明年。四境安寧。政務稍寬。會省修志館。又迭檄屬採訪。余曰續修縣志。此其時矣。乃進教育局長李君幹丞。商延譚君鳳儀。李君家修。劉君玉堂。分主筆政。隨籌措經費。卽日開局。分投採訪。計日程功。觀成可待。未幾余奉大府檄調揭陽縣篆。編纂譚君。囑余爲序。余曰誌以紀實也。有關於世道人心宜讀志。有關於政治宜讀志。有關於典章文物宜讀志。他如山川疆域之沿革。風土人物之興衰。亦不可不讀志。矢慎矢公。求爲信史。付諸剞劂。俾長斯邑者。藉作施政之龜鑑。是余之所厚望也。是爲序。中華民國貳十年夏五月縣長何燭璋謹撰

仁化縣志卷首 序

二

原敘

不佞疇束髮受詩書卽以爲詰士偉人非揚休補袞銘功景鐘則握牒操觚昭垂不朽迺今已一行作吏
俛首受檄有年矣壬辰秋八月待臯韶之仁化念嶺嶠之外境土嵐瘴閭閻疾苦之未嘗日廩廩扶力不
給閱數月修舉政務稍見就緒公餘訪邑父老得志缺狀私心益用凜凜竊自惟我明興二百餘年來遺
化濡漑文教日熙卽一泉石之勝好事者且張皇頌述仁化誠彈丸然麗水佳山置牧設長黎獻不乏承
吏迺爾志載寥落荒習闇沒觀風問俗者何所稽覈哉夫過高堂者仰謳浮醴渙者思澤不佞旣吏茲土
安所逃其責間嘗逖覽遠古典謨訓誥語篇繼繼明備獨弗及幽隱巖伏班馬以下史事日益詳最後有
郡邑志而幽隱巖伏之蹟炳若指掌不佞用是弗獲辭茲勉於案牒裏集傳聞詮次舊章發凡舉例爲繪
以象形者一曰圖位爲記以載事者六曰輿地曰賦役曰秩官曰政治曰禮教曰人才外以備遺者一曰
雜攬而總之則爲上下八卷仍丐大名家文敘弁諸首以光傳記庶幾哉無復幽巖遺缺向之荒習闇沒
者由茲燦乎可睹已如曰握牒操觚以昭垂不朽也則吾豈敢時萬歷二十一年

禹都司馬瞭撰

舊志案其時總纂爲知縣司馬瞭協纂爲教諭劉大綽訓導賴文煥校繕爲邑歲貢譚際可舉人劉
泰然葉夢熊編次爲生員劉天然劉時化蒙仁章督梓爲生員劉油然譚正蒙

原敘

仁化古楊州地歷漢唐類湮沒靡考至明興紘維具整德澤南洽而衣冠人物彬彬可觀矣顧邑乘散佚君子憊焉于乎安得昭明世繼春秋者成此志哉然史失求諸野亦不易言矣非至公則秉筆不直非三長則取義不精非加意政教者提衡於上則沿襲無當毋亦難其人乎歲壬辰邑侯司馬公下車潔已愛民才敏而慮周考衰採微不憚改絃易轍諸凡疆域風土戶口差役學校鄉賢秩祀兵防之源委本末節錯絲棼皆候之暇夕廩廩者深惟軌度弗昭胡以示後非古君子之志也於是以其精神思慮之暨畫者登之於籍既行而效者識之以立準焉行而未成者著之以考終焉當行而未及行者表之以望闕焉銓次成編用昭一邑信史蓋候涑水之前裔於三長有所承授者重以公心行之故不剽見聞而求施用非侈觀覽而資化理按之則其實可稽究之則其效可睹小足以序職大足以經世而因革之宜廢舉之當燦然備矣洎屬稿謂不佞泰然濫竽校讐宜序簡末竊聞志者史之流別也土地人民政事候邦三賢舍是未有能爲志者自王迹熄國史亡獨周禮在魯孔子因而作春秋蓋當時周召人爲卿相出爲藩宣召公繫諸候之風周公繫王者之化自其封魯世不乏賢以奠邦土則奄有龜蒙保有鳧繹詩詠之矣以化邦民則變其禮易其俗史稱之矣而政事之原壹稟於平易近民是史爲實錄孔子取焉斷以大義與天地并立豈非以人重哉茲候之治行種種不具書總之政以時順化以俗宜用以保乂其地輯綏其民庶

仁化縣志卷首 序

三

仁化縣志 卷首 序

四

幾周召比績君子曰觀志斯知政矣志願不重與昔計然任公精於治生太史公萃之爲傳以爲治生家者所必資爲邑與治生一也今侯以其殫精於治者載之籍記泰然第援其籍記而播述之俾後之爲仁化者閱其志知其所用心而守之垂之永永則昭明世繼春秋意在斯乎非徒存文獻而已也

邑人劉泰然撰

原敘

今上龍飛之歲混一天下東西南北無思不服風被

十年化理淪洽乃 命儒臣修

大清一統志部符下省取郡邑成書以獻於是太守馬公檄仁化討故牒編新紀具如五邑之例應瑞待罪於縣三載兢兢奉職懼不足稱使幸際大典俾遐陬僻壤從國籍之末覲光

闕庭敢不盡力顧仁化於韶人材物產遜他邑遠甚曩爲令者或忽棄不志自明萬歷司馬緯始創之於今八十年中更兵火故老遺書漫無可考懼不足備網羅貽聖作明述之誚又伏自念地有大小事有繁簡而理無異同如人之身修短肥瘠美惡殊矣五官百骸未有或殊者應瑞所治亦有人民亦有社稷有政有教皆在同文同軌之內且地連江楚獨當二面尉佗所恃以控制上游勢不得輕由唐建縣千有餘載迄於今儉樸之俗不遷而刑敝稍甚吏與民望

九閭萬里茲得繪形勢指畫事情引陳詩納賈之誼如親見古帝王於巡狩雖小國諸侯毋倦清問豈庸以簡小自匿則斯志也文不足而質有餘卽珍錯非倫十畝閒桑麻相映野老雜坐較雨量晴麥飯菜羹淡而有本其猶元魯山連袂歎于藹之遺也謹訂訛刪冗拾遺續絕別爲八紀三十條藉手報郡備大一統細流抔土之納述其時義以序時康熙十二年歲在癸丑春

仁化縣志 卷首 序

大興鹿應瑞撰

五

仁化縣志 卷首 序

六

舊志案鄭志云鹿應瑞重修邑志未竟而卒以本序并李序考之當是方成書十五年遭楊賊之燬故其志不存也

原敘

仁陽一隅何志乎有社稷焉有民人焉亦周之隸職方漢之上太史也嶺南皆赤子

九重宵旰且軫念之矣顧志自司馬肇創之於前鹿應瑞續之於後而兵燹以來簡篇既盡文獻莫徵夢鸞謝陋曷敢輕搦管會

部省郡檄下弗獲辭迺勉竭駑鈍爲之綴遺彙纂雅訂訛闕兩月書成上之

省郡憲而因與邑人言曰從來志之難爲也尙典雅者多脫略務詳核者每繁冗工詞而或背於理論治而或闕於事狗情則美刺易溷勸說則名實失倫此邑覽之甕襍淮南之褒詭所由譏也仁邑都里僅六無奇毓勝產縱具三長史才無所用雖然尺地王土一民王臣控制之必畫也秩官之必建也兵農之必講也綱紀所從出教化所由興則志之文不容以不謹矣竊嘗怪世之人以文爲心不以道爲文且以文爲仕不以文爲政夫文而不本於道則外於文政而不本於文則乖於政儒者出宰一方貴取其方之山川賦役與夫民情土俗悉閱而周知之然後補偏救弊涵澆培醇利可興害可除生聚教訓可底於有成則於何取之亦於志取之矧

聖天子崇儒重道於上諸臣工體

國經野於下霜露所墜莫不尊親卽邑自有虞氏搏拊於韶德音所被名曰仁化而至今說禮敦詩量晴較雨原不少樸士良農也

仁化縣志卷首 序

七

仁化縣志卷首 序

八

堯君堯民之時而可以不載道之言訓乎故夢鸞言雖不文然蠡測管窺之議其中後佛老先王政凡可
勗官勵世之條尤競競三致意焉生斯宦斯者披覽之下庶亦深長思乎幸勿以一隅鄙仁陽也康熙二
十五年

廣寧李夢鸞撰

舊志案其時總纂爲知縣李夢鸞協纂爲教諭崔登桂訓導陳上達校繙爲邑人譚性學舉人劉廷
諱編次爲貢生葉之英凌玉京生員梁維鞏督梓爲耆民譚徽聲楊賢錫

原敘

今夫邑之有誌也其猶國之有史乎江淹謂修史之難無出於志鄒樵亦曰志者憲章之所繫然則志亦史也顧史則一成而不易志則閱數十年而更新修志與修史有不能一律論者若事不瞻核文不雅馴何所取裁猥云文獻吾懼其不足徵也已仁化縣志自司馬瞭創之於前李夢繼續之於後迄今越百三十有二年其間遺文軼事所謂地以人傳人以地傳雖世遠年湮固可考而得也昔先王畫地居民繡錯而犬牙之分域覲土稽度考憲可以觀土風而驗隆污也屬詞比事詮奇表異可以察民情而劑政令也衰鉞片言彰闡百世可以按往牒而備法戒也仁邑自有虞氏搏拊於韶卽彈丸之區莫不有封域星野之分戶口土田之數厚生正德之方凡夫沿革建置秩官經政選舉學校以逮賦役兵防風土謠俗事事悉皆經理可不區別臚陳乎會承乏下邑適逢

大憲興利舉廢紀綱所及先以文獻爲懷飭令所屬纂修邑乘自顧駑駘勉從事惟是顯微闡幽厥任匪易以百數十年之事實逞一己之意見爲定評思欲信今而傳後難矣爰與邑紳士採輯羣言共襄盛舉修詞貴簡紀事實詳而不冗精而不儉分門別類縷析條分以成續志邑中地瘠民貧野多曠土宰斯邑者采風問俗補偏救弊庶於布德同風起化善俗思過半矣方今

聖天子大一統下職方詢鄰邑上計吏故實同軌同文於茲爲盛仁邑雖褊小敢不潤色鴻猷於以表揚盛朝之雅化而著不朽之芳踪哉雖然見聞有限博採難周異日拾遺補闕尙有俟後君子之筆削焉嘉

仁化縣志 卷首 序

九